

**BOSNA I HERCEGOVINA
FEDERACIJA BiH
Kanton Sarajevo
Kantonavno tužiteljstvo
Kantona Sarajevo
Broj A-183/13
Sarajevo, 19.03.2013.godine**

*TAMU
20.03.2013
T*

**KANTON SARAJEVO
SKUPŠTINA KANTONA SARAJEVO
S A R A J E V O
N/r Predsjedavajuće**

Veza Vaš akt broj 01-05-2333/13 od 12.02.2013. godine

Poštovana,

Dana 15.02.2013. godine zaprimljen je dopis Predsjedavajuće Skupštine Kantona Sarajevo od 12.02.2013. godine sa prilogom poslaničkog pitanja poslanika Predraga Kojovića, postavljenog na 24. sjednici Skupštine Kantona Sarajevo, koja je održana dana 11.02.2013. godine, a u kojoj se, između ostalog, navodi „da su na nekoliko prethodnih sjednica Skupštine izrečene ozbiljne optužbe među poslanicima, a prilikom formiranja nove Vlade, a za potrebe formiranja potrebne većine i da je tom prilikom prekršen Zakon“... i da su na sjednicama po službenoj dužnosti prisutni predstavnici Tužilaštva. Njegovo pitanje odnosi se na činjenicu „da li je Tužilaštvo uradilo nešto po tom pitanju, odnosno od službe preuzelo transkript sjednica i pokrenulo istragu po navodima koje su poslanici iznijeli“.

Radi ocjene davanja odgovora na postavljeno poslaničko pitanje ostvaren je uvid u Poslovnik Skupštine KS broj 41/12, gdje je u članu 211. st. 1. Poslovnika propisano: Poslanici mogu postavljati poslanička pitanja predsjedniku Vlade, bilo kom njenom članu i svim organima koji su nosioci javno-pravnih ovlaštenja iz Kantonalne nadležnosti, a u stavu 2. je priopisano: Poslanička pitanja se odnose na specifične informacije, činjenice, situacije ili saznanja iz djelokruga Vlade.

U članu 10. Zakona o Kantonalnom tužilaštvu Kantona Sarajevo je propisano: Tužilaštvo ima pravo i dužnost u okviru ostvarivanja svojih funkcija, na vlastitu inicijativu ili na zahtjev obavještavati Skupštinu Kantona, Vladu Kantona ili predsjednika, odnosno potpredsjednika Kantona o provođenju Krivičnog

zakona i radu Tužilaštvu, a u članu 1. je propisano: Kantonalno tužilaštvo je samostalno državno tijelo, koje u okviru prava Kantona poduzima zakonom određene mjere u pogledu istražnih radnji...

Činjenica je da sjednicama Skupštine Kantona Sarajevo, po službenoj dužnosti, ne prisustvuju predstavnici Tužilaštva, pa prema tome Tužilaštvo ne raspolaže transkriptima održanih sjednica na kojima su, a kako to tvrdi poslanik Predrag Kojić iznesene određene optužbe za koje on smatra da je na takav način prekršen zakon, ne navodeći točno o čemu se radi.

Napominjemo da je odredbama Zakona o krivičnom postupku F BiH član 228. do 231., između ostalog propisana obaveza prijavljivanja krivičnih djela i ko može podnijeti prijavu za krivično djelo. Dovodeći ovo u vezu sa konkretno postavljenim pitanjem, kao poslaničko pitanje, ukoliko poslanik smatra da iznesene tvrdnje, a kojima je navodno prekršen zakon, ukazuju na eventualane osnove sumnje o počinjenju krivičnog djela u tom slučaju je, kao poslanik, u obavezi da predloži predsjedniku Skupštine ili Resornom ministru da se navedeni transkripti sa spornih Skupština dostave Tužilaštvu na ocjenu, a na koji bi način ovo Tužilaštvo, sukladno članu 10. Zakona i postupilo i obavijestilo odgovorne u zakonodavnoj, odnosno izvršnoj vlasti Kantona Sarajevo.

S poštovanjem,

GLAVNA KANTONALNA TUŽITELJICA



Nives Kanevčev